

Cuminaivlamain per la protecziun da la giuventetgna

Nus sustegnain restaurants gratuitamain cun las suandardas purschidas:

- ✓ Pretendai dals giuvenils in document d'identitat uffizial per controllar la vegliadetgna. Acceptai mo la carta d'identitat, il passaport u il permiss da manischar!
- ✓ Nagina biera e nagin vin sut 16, naganas spirituosas (incl. alcopops) sut 18.
- ✓ Scolai Voss persunal da vendita u da gastronomia. Nus As sustegnain.

N'As grittentai betg, sch'i vegn fatg abus malgrà Vossas mesiras

Ils giuvenils vegnan adina a chattar ina via da sa procurar illegalmain alcohol. Tuttina mettais Vus in cler signal envers ils giuvenils e sustegnais ils interess da la prevenziun, sche Vus realisais consequentamain las disposiziuns davart la protecziun da la giuventetgna. Per ina prevenziun efficazia dovrà numnadament l'engaschament da tut las parts participadas: dals geniturs e da las otras personas responsablas per l'educaziun, da las assistentes e dals assistents da giuvenils, da las organisaturas e dals organisateurs da festas sco er dal persunal da vendita e da service.

Tut las materialias da checkpoint per la protecziun da la giuventetgna survegnis Vus qua:

www.graubuenden-bewegt.ch → shop → jugendschutz



Survista da las purschidas

- **Affischas:** Al lieu da vendita sto vegnir montada in'affischa visibla cun ina scrittura bain legibla. Quella sto render attent ch'igl è scumandà da vender bavrondas alcoholicas e products da tubac ad uffants e giuvenils.



- **Tatgader:** Il tatgader regorda a la protecziun da la giuventetgna, er sch'igl ha pauca piazza (p.ex. vid la cassa).



- **Bratschlets da controllo:** A las organisaturas ed als organisaturs vegni plinavit recumandà da far bain visiblas las gruppas da vegliadetgna, e quai a maun da bratschlets da controllo da differenta colur. Quai facilitescha al persunal da service d'observar las disposiziuns davart la protecziun da la giuventetgna.



- **Calculatur online da la vegliadetgna:** Per realisar uschè svelt sco pussaivel controllas da la vegliadetgna pudais Vus emplenir sin nossa pagina d'internet in calculatur da vegliadetgna e stampar quel per l'occurrenza:
www.graubuenden-bewegt.ch → *Alkoholprävention* → *Jugendschutz* → *Jugendschutz Checkpoint*



- **Glista da controllo per organizar occurrentzas:** Per organizar in'occurrentza ston vegnir planisads blers aspects. Nossa glista da controllo As gida che Vus n'emblidias nagut.

- **DVD d'instrucziun:** Preschentadas vegnan situaziuns tipicas en connex cun la vendita d'alcohol a giuvenils. A la fin da mintga scena vegni dà tips utils (durada totala: 10 minutus).
- **Scolaziuns:** Sustegnai Voss persunal da vendita e da service cun ina scolaziun ch'è adattada ad el. Nus As sustegnain en quest connex.

Contact: Stefanie Birrer, tel. 081 257 64 04, stefanie.birrer@san.gr.ch

Uffizi da sanadad dal Grischun
Partiziun "promozion da la sanadad e prevenzion"
Tel. 081 257 64 00
gf@san.gr.ch, www.gesundheitsamt.gr.ch

